


Si podit torrai a ponni su nòmini in sardu a sa bidda mia?

Balla ca si! Is Comonus chi in passau teniant unu atru nòmini in sardu, podint deliberai de torrai a ponni su nòmini sardu acanta de cussu ufitziali.



S.M.

≈ ≈ ≈ ≈ ≈

**Si unu si cherit cambiai su nòmini o su sambinau in sardu ita depit fai?**

S'articulu n°11 de sa lezi 482/99 narat ca is tzita dinus chi bivint in unu Comunu a minoria linguistica, si podint cambiai, si cherint, su nòmini o su sambinau in sardu. Sa domanda depit èssiri presentada a su Sindigu de su Comunu de residèntzia chi dd' at a mandai, in paris cun s'atu de nàschida, a su Prefetu chi detzidit. Si sa domanda non benit atzetada luegus si podit fai unu ricursu aintru de 30 dis a su Ministru de Gràtzia e Zùstìtzia chi, a pustis de su parri de su Cossizu de Istadu, detzidit. Po fai custu càmbiu non si depit pagai nudda. In su càmbiu de su sabinau, custu at a èssiri cambiau a totu s'erèntzia chi tenit prus pagu de 18 annus, is atrus podint detzidi de si nd'abàlliri o de ndi fai de mancu.

Si podint fai librus, giornalis e programmas de televisioni e de arràdiu in sardu?

Fortzis! Sa lezi 482 tutelat su manizu de is limbas de minoria in is mezus de comunicatzioni.




S.M.

**Si podit torrai a ponni su nòmini in sardu a is biddas chi dd'ant cambiau in italianu?**

Tzertu! S'articulu n°10 de sa lezi 482/99 narat ca, in is Comonus chi teniant unu atru nòmini in sardu, su Cussizu Comunali podit deliberai de torrai a ponni su topònimu sardu acanta de cussu ufitziali chi tenint comu. In custu casu puru at a abarrari sia su topònimu chi tenit valori ufitziali sia cussu in sardu chi est prus acanta de sa vida e de su connotu de sa bidda. Po s'articulu n°24 de sa lezi 26/97 podint èssiri fatos cartellus cun totu e duus in nòminis in s'intrada e in s'essida de sa bidda, e puru targas cun is nòminis antigus de is arrugas, de is pratzas, de is butegas e de is palatzus.

A imi mi narant Giovanni ma deu cherzu a mi tzerriai Zuanni. Si cherzu torrai a tenni su nòmini in sardu, ita depit fai?



S.M.

Depis feti presentai sa domanda in paris a sa documentatzioni a su sindigu, chi at a mandai totu a su Prefetu chi at a detzidi.

≈ ≈ ≈ ≈ ≈

**Si podint fai librus, giornalis, programmas de arràdiu e de televisioni in sardu?**

Eya! S'articulu n°12 de sa lezi 482/99 tutelat su manizu de is limbas de minoria in is mezus de comunicatzioni cumentu giornalis e programmas de arràdiu e de televisioni. Puru s'articulu n°14 de sa lezi 26/97 chistionat de finantziamentus de sa Regioni po isparghi sa limba sarda cun programmas de televisioni e de arràdiu in sardu e fintzas de articulus iscritus in sardu aintru de giornalis.

